





七言絕句叙目卷凡十

新寧高棟編

第一卷

正始

許敬宗 一 盧照隣 二 王勃 二

喬知之 一 杜審言 二 劉庭琦 二

沈佺期 四 宋之問 二 李嶠 二

李又 二 徐彥伯 二 岑羲 一

劉憲 一 趙彥昭 李適 一

徐堅 一 馬懷素 一 武平壹 二



蘓頌

二

張說

五

賀知章

三

王翰

二

玄宗皇帝

一

七言絕句始自古樂府挾瑟歌梁元帝烏栖曲江揔怨詩行等作皆七言四句至唐初始穩順聲勢定為絕句然而作者亦不多見故自許敬宗而下至開元初得二十三人共詩四十二首為正始

### 第二卷

正宗

李白

九三十

王昌齡

二四十

盛唐絕句太白高於諸人王少伯次之二公篇什亦盛今列為正宗共詩八十一首

### 第三卷

羽翼

王維

二十

賈至

五十

岑參

十二

儲光羲

八

杜甫

七

常建

八

高適

五

孟浩然

二

李預

二

崔國輔

二

張謂

二

王之渙

二

綦毋潛

一

薛據

蔡希寂

一

沈頌

張偁

一

吳象之

一



張潮 二

元結 二

嚴武 一

李華 一

獨孤及 二

正宗之外同鳴于時者王維曹至岑參亦盛  
又如儲光羲常建高適之流雖不多見其興  
象聲律一致也杜少陵所作雖多理趣甚異  
故略其頗同調者數首以通天寶諸賢得二  
十三人共詩九十九首為羽翼

第四卷

接武 上之

劉長卿 八

錢起 十

韋應物 二十

第五卷

接武 上之

皇甫冉 八

韓翃 十

盧綸 十

劉方平 四

朱放 一

皇甫曾 一

秦系 二

嚴維 一

李嘉祐 三

郎士元 五

司空曙 六

李端 四

耿滯 三

崔峒 一

包何 一

張繼 二

顧况 十

戎昱 六

長孫翺 一

衛象 一

柳談 一

宋濟 一

楊憑 一

長孫佐輔 三



劉商 九

于鵠 四

戴叔倫 八

德宗皇帝 一

第六卷

接武 下之一

李益 六十

劉禹錫 二十  
張籍 二十

王建 七十  
王涯 四十

第七卷

接武 下之二

武元衡 四十  
楊巨源 六  
張仲素 九

權德輿 四  
李涉 二十  
竇鞏 七

竇牟 一  
竇庠 一  
雍裕之 一

李約 一  
陸暢 一  
劉言史 一

呂溫 二  
羊士諤 二  
令狐楚 二

陳羽 六  
柳宗元 三  
韓愈 六

歐陽詹 一  
元稹 二  
白居易 四

鮑溶 三  
孟郊 一  
李賀 一

盧仝 二  
李紳 一  
顧非熊 一

張祐 八  
朱慶餘 四  
徐凝 一

賈島 二  
姚合 一  
王表 一

裴夷直 一



大曆以還作者之盛駢踵接跡而起或自名一家或與時唱和如樂府宮詞竹枝楊柳之類先後迭作紛紜不絕逮至元和末而聲律不失足以繼開元天寶之盛今因時之先後篇什之多寡定立上下卷卷分為四以劉長卿錢起韋應物皇甫冉韓翃盧綸六人共詩六十九首為上卷之一又自劉方平而下以盡乎大曆諸賢凡二十五人共詩八十一首為上卷之二又自貞元以來若李益劉禹錫張籍王建王涯五人其格力各自成家篇什一首為接武

### 第八卷

正變

李商隱二十 杜牧 二十四 許渾

趙嘏 二十 溫庭筠 十

開成以來作者互出而體制始分若李義山杜牧之許用晦趙承祐溫飛卿五人雖興象



不同而聲律之變一也共詩八十首為正變

第九卷

餘響

雍陶 六 劉得仁 三 陳陶 四

馬戴 一 薛逢 二 薛能 四

孟遲 四 項斯 一 段成式 二

李群玉 二 韓琮 一 司馬禮 三

杜荀鶴 二 李頻 一 劉駕 一

儲嗣宗 一 陸龜蒙 二 張賁 一

方干 一 唐彥謙 三 張喬 三

司空圖 一 高駢 一 羅鄴 二

李拯 一 崔魯 三 崔塗 一

童碣 一 鄭谷 二 高蟾 一

曹松 二 王駕 二 吳融 一

李洞 二 韋莊 八 韓偓 一

江為 一 李建勳 一 張泌 一

孫光憲 二

晚唐絕句之盛不下數千篇雖與象不同而  
聲律亦未遠如韋莊後出其贈別諸篇尚有  
盛時之餘韻則其他從可知矣今自會昌下



及五季得四十人共詩八十五首為餘響

第十卷

傍流

古樂府六曲詩十六首

水調歌五 涼州歌三 大和二

伊州歌四 蓋羅歌一 水鼓子一

無姓氏七人詩九首

景龍館學士一 開元名公一

才調詩二 惆悵詩一 蘆中集一

君山父老 胡笳曲一

有姓氏無字里世次者十六人詩二十首

王烈二 張敬忠一 王喬一

李中一 劉昭屬一 楊達一

張諤一 樓穎 王偃一

朱晦一 宋邕一 裴交泰一

吳商浩一 盧弼四 杜常一

方澤一

衲子八人詩十八首

皎然八 靈一三 靈澈一

清江一 法振一 無本二



無悶 一 齊已 一

羽士一人

曹唐 四

女冠一人

魚玄機 二

宮闈十三人詩十九首

上官昭容 一 梅妃 一 關盼盼 二

杜羔妻 二 張窈窕 一 劉瑗 一

裴羽仙 一 蕪氏 一 崔公達 一

姚月華 二 花蕊夫人 二 薛濤 三

故臺城妓 一

右自唐初至唐末凡無姓氏有姓氏弗可考

者併樂府水調涼州等歌聲律之可採者與

乎方外閨秀通得五十二人共詩八十八首

為傍流

七言絕句叙目終



七言絕句卷之一

唐詩品彙四十六

新寧高棟編

正始

許敬宗

奉和聖製餞來濟應詔

萬乘騰鑣警岐路百壺供帳餞離宮御溝分水磬難  
絕廣宴番歌曲易終

盧照隣

登封大酺歌

日觀仙雲隨鳳輦天門瑞雪照龍衣繁絃綺席方終



夜妙舞清歌歡未歸

九月九日旅眺

九月九日眺山川歸心歸望積風烟他鄉共酌金花酒萬里同悲鴻鴈天

王勃

秋江送別

早是他鄉值早秋江亭明月帶江流已覺逝川傷別念復看津樹隱離舟

蜀中九日

九月九日望鄉臺他席他鄉送客杯人情已厭南中

苦鴻鴈那從北地來

喬知之

折楊柳

可憐濯濯春楊柳攀折將來就織手妾容共此同盛衰何必君恩獨能久

杜審言

渡湘江

遲日園林悲昔遊今春花鳥作邊愁獨憐京國人南窟不似湘江水北流

贈蘇綰書記



知君書記本翩翩為許從戎赴朔邊紅粉樓中應計  
日燕支山下莫經年

劉庭琦

銅雀臺

銅臺宮觀委灰塵魏主園陵漳水濱即今西望猶堪  
思况復當時歌舞人

沈佺期

夜宴安樂公主宅

濯龍門外主家親鳴鳳樓中天上人自有金盃迎甲  
夜還將綺席代陽春

奉和聖製幸常嗣立莊應制

東山朝日翠屏開北闕晴空采仗來喜遇天文七曜  
動少微今夜入三台

苑中遇雪應制

北闕彤雲掩曙霞東風吹雪舞仙家瓊章定少千人  
和銀樹長芳六出花

印山

北印山上列墳塋萬古千秋對洛城城中日夕歌鐘  
起山上唯聞松柏聲

宋之問



苑中遇雪應制

紫禁仙輿詰旦來青旂遙倚望春臺不知庭霰今朝  
落疑是林花昨夜開

送司馬道士遊天台

羽客笙歌此地違離違數處白雲飛蓬萊關下長相  
憶桐栢山頭去不歸

李嶠

奉和聖製幸常嗣立莊應制

萬騎千官擁帝車八龍三馬訪仙家鳳凰原上窺青  
壁鸚鵡盃中弄紫霞

遊苑遇雪

散漫祥雲逐聖迴飄飄瑞雪繞天來不能落後爭飛  
絮故欲迎前定早梅

李乂

夜宴安樂公主宅

牽牛南渡象昭回學鳳樓成帝女來平旦鸚鵡歌舞  
席方宵鸚鵡獻酬盃

奉和聖製幸常嗣立莊應制

曲榭回廊繞澗幽飛泉瀆水溢池流祗應感發明王  
夢遂得邀迎聖主遊



徐彥伯

上巳日祓禊渭濱應制

晴風麗日滿芳洲  
柳色春筵祓錦流  
皆言侍蹕橫溪  
燕暫似乘槎天漢遊

錢唐永昌

金溪碧水玉潭沙  
鳧翩翩弄日華  
鬪鷄香陌行春  
倦為摘東園桃李花

岑羲

夜宴安樂公主宅

金榜重樓開夜扉  
瓊筵愛客未言歸  
啣歡不覺銀河

曉盡醉那知玉漏晞

劉憲

苑中遇雪應制

龍驂曉入望春宮  
正逢春雪舞東風  
花光併洒天文  
上寒氣行消御酒中

趙彥昭

奉和聖製幸韋嗣立莊應制

廊廟心存巖壑中  
鑾輿曠在霸城東  
逍遙自有蒙莊  
子漢上徒言河上公

李適



錢唐永昌

聞道飛鳧向洛陽  
翩翩矯翮在文昌  
因聲寄意三花樹  
少室岩前幾過香

徐堅

錢唐永昌

郎官出宰赴伊瀍  
征傳駸駸灞水前  
此時悵望新豐道  
握手相看共黯然

馬懷素

錢唐永昌

聞君出宰洛陽隅  
賓友稱觴餞路衢  
別後相思在何處

處祗應闌下望仙鳧

武平一

夜宴安樂公主宅

王孫帝女下仙臺  
金榜珠簾入夜開  
遽惜瓊筵歡正洽  
唯愁銀箭曉相催

奉和聖製幸常嗣立莊應制

鳴鑾奕奕下重樓  
羽蓋逍遙向一丘  
漢日唯聞白衣寵  
唐年更覩赤松遊

蘇頲

夜宴安樂公主宅



車如流水馬如龍  
仙史高臺十二重大上  
初移漢匹  
銜可憐歌舞夜相從

奉和聖製幸常嗣立莊應制

樹色參差隱翠微  
泉流百尺向空飛  
傳聞此處投竿  
住遂使茲辰扈蹕歸

張說

十五夜御前踏歌詞

華萼樓前雨露新  
長安城裏太平人  
龍銜火樹千燈  
艷鷄上蓮花萬歲春

上巳日夜禊渭濱應制

青郊上巳艷陽年  
紫禁皇遊祓渭川  
幸得歡娛承湛  
露心同草樹樂春天

奉和聖製同王真公主遊大哥山池應制

池如明鏡月華開  
山學香壚雲氣來  
神藻飛為眷令  
賦仙聲颺出鳳凰臺

送梁六

巴陵一望洞庭秋  
日見孤峯水上浮  
聞道神仙不可  
接心隨湖水共悠悠

泛洞庭

平湖一望上連天  
秋景千尋下洞泉  
忽驚水上江華



滿疑是乘舟到日邊

賀知章

采蓮曲

稽山罷霧鬱嵯峨鏡水無風也有波莫言春度芳菲  
盡別有中流采芰荷

回鄉偶書二首

少小離鄉老大回鄉音無改髮毛衰兒童相見不相  
識笑問客從何處來劉云說透  
人情之的  
離別家鄉歲月多近來人事半消磨唯有門前鏡湖  
水春風不改舊時波

王翰

涼州詞

蒲桃美酒夜光杯欲飲琵琶馬上催醉卧沙場君莫  
笑古來征戰幾人回

秦中花鳥已應闌塞外風沙猶自寒夜聽胡笳折楊  
柳教人氣盡憶長安

玄宗皇帝

過大哥山池

澄潭皎鏡石崔嵬萬壑千岩暗綠苔林亭自有幽真  
趣况復秋深爽氣來



七言絕句卷之一

唐詩品彙四十六

七言絕句卷之二

唐詩品彙四十七

新寧高棟編

正宗

李白

清平調詞三首

雲想衣裳花想容春風拂檻露華濃若非群玉山頭  
見會向瑤臺月下逢

一枝濃艷露凝香雲雨巫山枉斷腸借問漢宮誰得  
似可憐飛燕倚新粧

名花傾國兩相歡長得君王帶笑看解釋春風無限



恨沉香亭北倚闌干

長門怨二首

天迴北斗桂西樓金屋無人螢火流月光欲到長門  
殿別作深宮一段愁

桂殿長愁不記春黃金四屋起秋塵夜懸明鏡青天  
上獨照長門宮裏人

少年行

五陵年少金市東銀鞍白馬度春風落花踏盡遊何  
處笑入胡姬酒肆中

劉云語氣凌厲快活夢亦難忘

橫江詞

橫江館前津吏迎向余東指海雲生即今欲渡緣何

事如此風波不可行

范德機云絕句一句一絕乃其本也其次詞少意多極四句而

反覆議論此篇氣格合歌行之風使人嗟咏有無窮之思此唐人所長也諸家詩非不佳然視李杜氣格音調特異熟讀當見

客中行

蘭陵美酒鬱金香玉碗盛來琥珀光但使主人能醉  
客不知何處是他鄉

蛾眉山月歌

蛾眉山月半輪秋影入平羌江水流夜發清溪向三  
峽思君不見下渝州

劉涸溪云含情悽婉有竹枝縹渺之音



永王東巡歌五首

永王正月東出師天子遙分龍虎旗樓船一舉風波  
靜江漢翻為鴈鴛池

三川北虜亂如麻四海南奔似永嘉但用東山謝安  
石為君談笑靜胡沙

丹陽北固是吳關畫出樓臺雲水間千巖烽火連滄  
海兩岸旌旗繞碧山

帝寵賢王入楚關掃清江漢始應還初從雲夢開朱  
邸更取金陵作小山

試借君王玉馬鞭指揮戎虜坐瓊筵南風一掃胡塵

靜西入長安到日邊

上皇西巡南京歌四首

誰道君王行路難六龍西幸萬人歡地轉錦江成渭  
水天迴玉壘作長安

萬國同風共一時錦江何謝曲江池石鏡更明天上  
月後宮親得照蛾眉

華陽春樹號新豐行入新都若舊宮柳色未饒秦地  
綠花光不減上陽紅

劍閣重關蜀北門上皇歸馬若雲屯少帝長安開紫  
極重懸日月照乾坤



巴陵贈賈舍人

賈生西望憶京華  
湘浦南遷莫死嗟  
聖主恩深漢文帝  
憐君不遣到長沙

贈汪倫

李白乘舟將欲行  
忽聞岸上踏歌聲  
桃花潭水深千尺  
不及汪倫送我情

范云此非必其詩之佳要見古人風致如此

聞王昌齡左遷龍標尉遙有此寄

楊花落盡子規啼  
聞道龍標過五溪  
我寄愁心與明月  
隨風直到夜郎西

黃鶴樓送孟浩然之廣陵

故人西辭黃鶴樓  
烟花三月下揚州  
孤帆遠影碧空盡  
唯見長江天際流

山中問荅

問余何事棲碧山  
笑而不荅心自閑  
桃花流水杳然去  
別有天地非人間

東魯門泛舟

日落沙明天倒開  
波搖石動水縈迴  
輕舟泛月尋溪轉  
疑是山陰雪後來

陪族叔刑部侍郎曄及中書舍人賈至遊

洞庭湖



洞庭西望楚江分水盡南天不見雲日落長沙秋色

遠不知何處吊湘君

劉云其所長在此他人必不能及也

南湖秋水夜無烟耐可乘流直上天且就洞庭賒月色將船買酒白雲邊

洞庭湖西秋月輝瀟湘江北早鴻飛醉客滿船歌白

紵不知霜露濕秋衣

劉云自是悲壯

### 望廬山瀑布水

日照香爐生紫烟遙看瀑布挂前川飛流直下三千

尺疑是銀河落半天

劉云以為銀河猶未免俗耳

### 登廬山五老峯

廬山東南五老峯青天削出金芙蓉九江秀色可攬

結吾將此地巢雲松

### 望天門山

天門中斷楚江開碧水東流至此迴兩岸青山相對

出孤帆一片日邊來

### 早發白帝城

朝辭白帝彩雲間千里江陵一日還兩岸猿聲啼不

住輕舟已過萬重山

### 秋下荆門

霜落荆門江樹空布帆無恙掛秋風此行不為鱸魚



鱸自愛名山入剡中

蘇臺覽古

舊苑荒臺楊柳新  
菱歌清唱不勝春  
只今惟有西江月  
曾照吳王宮裏人

越中覽古

越王勾踐破吳歸  
義士還家盡錦衣  
宮女如花滿春殿  
只今唯有鷓鴣飛

與史郎中欽聽黃鶴樓上吹笛

一為遷客去長沙  
西望長安不見家  
黃鶴樓中吹玉笛  
江城五月落梅花

春夜洛城聞笛

誰家玉笛暗飛聲  
散入春風滿洛城  
此夜曲中聞折柳  
何人不起故園情

陌上贈美人

駿馬驕行踏落花  
垂鞭直拂五雲車  
美人一咲寒珠箔  
遙指紅樓是妾家

口號吳王美人半醉

風動荷花水殿香  
姑蘇臺上見吳王  
西施醉舞嬌無力  
咲倚東牕白玉牀

南流夜郎寄



夜郎天外怨離居  
明月樓中音信疎  
北鴈春歸看欲盡  
南來不得豫章書

王昌齡

春宮曲

昨夜風開露井楓  
未央前殿月輪高  
平陽歌舞新承寵  
簾外春寒賜錦袍

西宮春怨

西宮夜靜百花香  
欲捲珠簾春恨長  
斜抱雲和深見月  
朧朧對色隱昭陽

西宮秋怨

芙蓉不及美人粧  
水殿風來珠翠香  
却恨含情掩秋扇  
空懸明月待君王

長信秋詞三首

金井梧桐秋葉黃  
珠簾不捲夜來霜  
熏籠玉枕無顏色  
卧聽南宮清漏長

奉帚平明金殿開  
且將團扇暫徘徊  
玉顏不及寒鴉色  
猶帶昭陽日影來

謝疊山云此篇怨而不怒有風人之義

真成薄命久尋思  
夢見君王覺後疑  
火照西宮知夜飲  
分明複道奉恩時

青樓曲二首



白馬金鞍從盛皇旌旗十萬宿長楊樓頭小婦鳴箏  
坐遙見飛塵入建章

馳道楊花滿御溝紅粧謾綰上青樓金章紫綬千餘  
騎夫婿朝回初拜侯

青樓怨

香幃風動花入樓高調鳴箏緩夜愁腸斷關山不解  
說依依殘月下簾鈎

閨怨

閨中小婦不知愁春日凝粧上翠樓忽見陌頭楊柳  
色悔教夫婿覓封侯

謝云見虫鳴蠶躍而未見君子則憂見采薇采芣而未見君子

則憂草木之榮華禽虫之和樂皆能勤人傷悲之心此詩謂閨中小婦初不知愁春日登樓見楊柳之青青始知陽和發育萬物皆春吾與良人徒有功名之望今日空閨獨處良人辛苦戎事曾不如草木群生各得其樂於是而悔望此功名此亦才人情而言也

采蓮曲二首

荷葉羅裙一色裁芙蓉向臉兩邊開亂入池中看不  
見聞歌始覺有人來

吳姬越艷楚王妃爭弄蓮花水濕衣來時浦口花迎  
入採罷江頭月送歸

出塞行

白藁原頭望京師黃河水流無盡時秋天曠野行人



絕馬首東來知是誰

從軍行五首

烽火城西百尺樓  
黃昏獨坐海風秋  
更吹羌笛關山月  
無那金閨萬里愁

琵琶起舞換新聲  
總是關山離別情  
撩亂邊愁聽不盡  
高高秋月照長城

青海長雲暗雪山  
孤城遙望玉門關  
黃沙百戰穿金甲  
不破樓蘭終不還

秦時明月漢時關  
萬里長征人未還  
但使龍城飛將在  
不教胡馬度陰山

大漠風塵日色昏  
紅旗半卷出轅門  
前軍夜戰洮河北  
已報生擒吐谷渾

甘泉歌

乘輿執玉已登壇  
細草沾衣春殿寒  
昨夜雲生拜初月  
萬年甘露水晶盤

蕭駙馬花燭

青鸞飛入合歡宮  
紫鳳銜花出禁中  
可憐今夜千門裏  
銀漢星回一道通

觀獵

角鷹初下秋草稀  
錢駝拋鞚去如飛  
少年獵得平原



兔馬上橫梢意氣歸

梁苑

梁園秋竹古時烟城外風悲欲暮天萬乘旌旗何處  
在平臺賓客有誰憐

李倉曹宅夜飲

霜天留飲故情歡銀燭金爐夜不寒欲問吳江別來  
意青山明月夢中看

宴春源

源向春城花幾重江明深翠引諸峰與君醉失松溪  
路山館窸窸傳暝鍾

龍標墅宴

沅溪夏晚足涼風春酒相携就竹叢莫道絃歌愁遠  
謫青山明月不曾空

寄穆侍御出幽州

一從恩譴度瀟湘塞北江南萬里長莫道薊門書信  
少鴈飛猶得到衡陽

送柴侍御

沅水通流接武岡送君不覺有離傷青山一道同雲  
雨明月何曾是兩鄉

送李五



玉盃金壘傾送君江西日入起黃雲扁舟乘月暫來  
去誰道滄浪吳楚分

送人歸江夏

寒江綠水楚雲深莫道離憂遷遠心曉夕雙帆歸鄂  
渚愁將孤月夢中尋

芙蓉樓送辛漸二首

寒雨連江夜入吳平明送客楚山孤洛陽親友如相  
問一片冰心在玉壺

丹陽城南秋海陰丹陽城北楚雲深高樓送客不能  
醉寂寂寒江明月心

送薛大赴安陸

津頭雲雨暗湘山遷客離憂楚地顏遙送扁舟安陸  
郡天邊何處穆陵關

送別魏二

醉別江樓橘柚香江風引雨入船涼憶君遙在湘山  
月愁聽清猿夢裏長

別辛漸

別館蕭條風雨寒扁舟月色渡江看酒酣不識關西  
道却望春江雲尚殘

盧溪別人



武陵溪口駐扁舟  
溪水隨君向北流  
行到荆門上三峽  
莫將孤月對猿愁

重別李評事

莫道秋江離別難  
舟船明日是長安  
吳姬緩舞留君醉  
隨音青楓白露寒

別陶副使歸南海

南越歸人夢海樓  
廣陵新月海亭秋  
寶刀留贈長相憶  
當取戈船萬戶侯

別李浦之京

故園今在灞陵西  
江畔逢君醉不迷  
小第隣庄尚漁獵

一封書寄數行啼

題朱鍊師山房

叩齒焚香出世塵  
齋壇鳴磬步虛人  
百花仙醞能留客  
一飯胡麻度幾春

送朱越

遠別舟中蔣山莫  
君行舉首燕城路  
薊門秋月隱黃雲  
期向金陵醉江樹

送姚司法歸吳

吳棹留觴楚郡心  
洞庭秋雨海門陰  
但令意遠扁舟送  
不道滄江百丈深



西江寄越弟

南浦逢君嶺外還  
沅溪更遠洞庭山  
堯時恩澤如春雨  
夢裏相逢共入關

七言絕句卷之二

唐詩品彙四十七

七言絕句卷之三

唐詩品彙四十八

新寧高棟編

羽翼

王維

少年行二首

新豐美酒斗十千  
咸陽遊俠多少年  
相逢意氣為君飲  
繫馬高樓垂柳邊

出身仕漢羽林郎  
初隨驃騎戰漁陽  
孰知不向邊庭苦  
縱死猶聞俠骨香

寄河上段十六



與君相見即相親聞道君家在孟津為見行舟試借  
問客中時有洛陽人劉云容易盡情舊未有此

九月九日憶山東兄弟

獨在異鄉為異客每逢佳節倍思親遙知兄弟登高  
處遍插茱萸少一人

與盧員外象過崔處士興宗林亭

綠樹重陰蓋四隣青苔日厚自無塵科頭箕踞長松  
下白眼看他世上人

送元二使安西

渭城朝雨裊輕塵客舍青青柳色新勸君更盡一杯

酒西出陽關無故人

謝疊山云唐人餞別必歌陽關

此酒出陽關之外必求今日故人飲酒之樂不可  
得矣。劉涇溪云更萬首絕句亦無復近古今第  
一矣。

送別

送君南浦淚如絲君向東州使我悲為報故人憔悴  
盡如今不似洛陽時

送韋評事

欲逐將軍取右賢沙場走馬向居延遙知漢使蕭關  
外愁見孤城落日邊

送沈子福之江東



楊柳渡頭行客稀  
吾師湯藥向臨圻  
唯有相思似春色  
江南江北送君歸

寒食汜上作

廣武城邊逢暮春  
汶陽歸客淚沾巾  
落花寂寂啼山鳥  
楊柳青青渡水人

戲題盤石

可憐盤石臨泉水  
復有垂楊拂酒盃  
若道春風不解意  
何因吹送落花來

劉云送蕩野興也

私成口號誦示裴迪

維時為給事中賊陷京師為所擒維吞藥

佯瘖祿山愛其才逼至洛陽供舊職拘於善提寺裴迪來相看說逆賊等宴

碧他上作音樂梨園供奉等舉声便一時淚下維痛悼賦此詩以示迪詩後聞于行在平賊後授偽官者皆定罪獨維得免

萬戶傷心生野烟  
百官何日更朝天  
秋槐葉落空宮裏  
凝碧池頭奏管絃

賈至

出塞曲

萬里平沙一聚塵  
南飛羽檄北來人  
傳道五原烽火急  
單于昨夜寇新秦

春思二首

草色青青柳色黃  
桃花歷亂李花香  
東風不為吹愁



去春日偏能惹恨長

紅粉當壚弱柳垂金花  
膈酒解醪醪笙歌日暮能留  
客醉殺長安輕薄兒

勤政樓觀樂

銀河帝女下三清  
紫禁笙歌出九城  
為報延州來聽  
樂須知天下欲昇平

西亭春望

日長風暖柳青青  
北鴈歸飛入窅宜  
岳陽城上聞吹  
笛能使春心滿洞庭

初至巴陵與李十二白同泛洞庭湖

江上相逢皆舊遊  
湘山水望不堪愁  
明月秋風洞庭  
水孤鴻落葉一扁舟  
楓岸紛紛落葉多  
洞庭秋水晚來波  
乘興輕舟無近  
遠白雲明月吊湘娥

荅嚴大夫

今夕秦天一鴈來  
梧桐墜葉擣衣催  
思君獨步華庭  
月舊館秋陰生綠苔

送南給事貶崖州

疇昔丹墀與鳳池  
即今相見兩相悲  
朱崖雲裏夢三千  
里欲別俱為慟哭時



送李侍郎赴常州

雪晴雲散北風寒楚水吳山道路難今日送君須盡  
醉明朝相憶路漫漫謝疊山云今日送君而不盡醉  
明朝兩地相望欲如今日之歡  
不可得也

洞庭送李十二赴零陵

今日相逢落葉前洞庭秋水遠連天共說京華舊遊  
處回看北斗欲潸然

江南送李卿

雙鶴南飛度楚山楚南相見憶秦關願值回風吹羽  
翼早隨陽鴈及春還

送王道士還京

一片仙雲入帝鄉數聲秋鴈至衡陽借問清都舊化  
月豈知遷客泣瀟湘

巴陵夜別王八負外

柳絮飛時別洛陽梅花發後在三湘世情已逐浮雲  
散離恨空隨江水長

岳陽樓重宴別王八負外貶長沙

江路東連千里潮青雲北望紫微遙莫道巴陵湖水  
濶長沙南畔更蕭條

岑參



封大夫破播仙凱歌四章

漢將承恩西破戎捷書先奏未央宮天子預開麟閣  
待祗今誰數貳師功

官軍西出過樓蘭營幙傍臨月窟寒蒲海曉霜凝馬  
尾葱山夜雪撲旌竿

鳴笳疊鼓擁回軍破國平蕃昔未聞大夫鵠印搖邊  
月大將龍旂掣海雲

日落轅門鼓角鳴千群百縛出蕃城洗兵魚海雲迎  
陣秣馬龍堆日照營

首蓓峰寄家人

首蓓峰邊逢立春胡蘆河上淚沾巾閨中只是空相  
憶不見沙場愁殺人

玉關寄長安主簿

東去長安萬里餘故人那惜一行書玉關西望腸堪  
斷况復明朝是歲除

逢入京使

故園東望路漫漫雙袖龍鍾淚不乾馬上相逢無紙  
筆憑君傳語報平安

劉云  
辭達

磧中作

走馬西來欲到天辭家見月兩回圓今夜不知何處



宿平沙萬里絕人烟

號州後亭送李判官使赴晉絳得秋

西原驛路掛城頭客散江亭雨未休君去試看汾水

上白雲猶似漢時秋謝疊山云此詩為去國者作末句隱然富貴不足道漢公卿往

未分陰不知幾人在唯白雲似漢時秋耳所以開廣其襟曾鬱抑也

原頭送范侍御

石尺原頭酒色殷路傍驄馬汗班班別君只有相思

夢遮莫千山與萬山

崔倉曹席上送殷寅克右相判官赴淮南

清淮無底綠江深宿處津亭楓樹林駟馬欲辭承

府一樽須盡故人心

送李明府赴睦州觀太夫人

手把銅章望海雲夫人堂上絳羅裙巖灘一點舟中

月萬里烟波也勞君勞一作夢

送人還京

疋馬西從天外歸揚鞭只共鳥爭飛送君九月交河

北雪裏題詩淚滿衣

草堂村尋人不遇

數株垂柳欲依依深巷斜陽暮鳥飛門前雪滿無行

跡應是先生出未歸



赴北庭度隴思家

西向輪臺萬里餘也知鄉信日應踈隴山鸚鵡能言語為報家人數寄書

春夢

洞房昨夜春風起遙憶美人湘江水枕上片時春夢中行盡江南數千里

過燕支寄杜位

燕支山西酒泉道北風吹沙卷白草長安遙在日光邊憶君不見令人老

酒泉太守席上醉後作

酒泉太守能劍舞高堂置酒夜擊鼓胡笳一曲斷人腸坐客相看淚如雨

送劉判官赴磧西

火山五月人行少看君馬去疾如鳥都使行營太白西角聲一動胡天曉

山房春事

梁園日暮亂飛鴉極目蕭條三兩家庭樹不知人去盡春來還發舊時花

儲光羲

明妃詞三首



西行隴上泣胡天南向雲中指渭川  
毳幕夜來時宛轉何由得似漢王邊

胡王知妾不勝悲樂府皆傳漢國辭  
朝來馬上箜篌引稍似宮中閑夜時

日暮驚沙亂雪飛傍人相勸易羅衣  
強來前殿看歌舞共待單于夜獵歸

同金壇令武平一遊湖

朝來仙閣聽絃歌暝入花亭見綺羅  
池邊命酒憐風月浦口回船惜芰荷

朦朧竹影蔽岩扉淡蕩荷風飄舞衣  
舟尋綠水宵將

半月隱青林人未歸

花潭竹嶼傍幽蹊画楫浮空入夜溪  
芰荷覆水船難進歌舞留人月易低

題茅山華陽洞

華陽洞口片雲飛細雨濛濛欲濕衣  
玉簫遍滿仙壇上應是茅家兄弟歸

寄孫山人

新林二月孤舟還水滿清江花滿山  
借問故園隱君子時時來往住人間

杜甫



漫興

懶漫無堪不出村呼兒自在掩柴門  
蒼苔濁酒林中靜碧水春風野外昏

劉云善自遣如此

贈花卿

錦城絲管日紛紛半入江風半入雲  
此曲祇應天上有人間能得幾回聞

贈鄭鍊赴襄陽

鄭子將行罷使臣囊無一物獻尊親  
江山路遠羈離日裘馬誰為感激人

奉和嚴國公軍城早秋

秋風嫋嫋動高旌玉帳分弓射虜營  
已收滴博雲間戍更奪蓬婆雪外城

解悶

一辭故國十經秋每見秋瓜憶故丘  
今日南湖采薇蕨何人為覓鄭瓜州

官池春鴈

青春欲盡急還鄉紫塞寧論尚有霜  
翅在雲天終不遠力微僧繇絕須防

書堂飲既夜復邀李尚書下馬月下賦絕句



湖月林風相與清殘樽下馬復同傾  
又拚野鶴如雙鬢遮莫隣雞下五更

藝苑雌黃云遮莫蓋  
俚語猶言儘教也

常建

塞下曲四首

玉帛朝回望帝鄉烏孫歸去不稱王  
天涯靜處無征戰兵氣銷為日月光

北海陰風動地來明君祠上望龍堆  
髑髏皆是長城卒日莫沙場飛作灰

龍鬪雌雄勢已分山崩鬼哭恨將軍  
黃河直北千餘里冤氣蒼茫成黑雲

因嫁單于怨在邊蛾眉萬古葬胡天  
漢家此去三千里有青塚嘗無草木烟

塞下

鐵馬胡裘出漢營分麾百道救龍城  
尤賢未遁旌竿折過在將軍不在兵

送宇文六

花映垂楊漢水清微風林裏一枝輕  
即今江北還如此愁殺江南離別情

三日尋李九庄

雨歇楊林東渡頭水和三日盪輕舟  
故人家在桃花



岸直到門前谿水流

嶺後

裊裊淒淒清且切  
鷓鴣飛處又斜陽  
相思嶺上相思  
淚不到三疊合斷腸

高適

營州歌

營州少年厭原野  
皮裘蒙茸徼城下  
虜酒千鍾不醉  
人胡兒十歲能騎馬

劉云高古

九曲詞

鐵騎橫行鐵嶺頭  
西看邏逤取封侯  
青海只今將飲

馬黃河不用更防秋

除夜作

旅館寒燈獨不眠  
客心何事轉悽然  
故鄉今夜思千里  
愁髮明朝又一年

謝疊山云客中除夜聞此詩者誰不悽然

塞上聽吹笛

雪淨胡天牧馬還  
月明羌笛戍樓間  
借問梅花何處  
落風吹一夜滿關山

別董大

十里黃雲白日曛  
北風吹鴈雪紛紛  
莫愁前路無知己  
天下誰人不識君



孟浩然

濟江問舟子

潮落江平未有風，輕舟共濟濟。君同時時引領望，天末何處青山是。越中

送杜十四之江南

荆吳相接水為鄉，君去春江正淼茫。日暮孤舟何處泊，天涯一望斷人腸。

李頎

遇劉五

洛陽一別梨花新，黃鳥飛飛逢故人。攜手當年共為

樂，無驚蕙草惜殘春。

寄韓鵬

為政心閑物自閑，朝看飛鳥暮飛還。寄書河上神明宰，羨尔城頭姑射山。

崔國輔

白紵辭

洛陽梨花落如霰，河陽桃葉生復齊。坐恐玉樓春欲盡，紅綿粉絮裛衰粧。啼

九日

江邊楓落菊花黃，少長登高一望鄉。九日陶家雖載



酒三年楚客已沾裳

張謂

題長安主人壁

世人結交須黃金黃金不多交不深縱令然諾暫相許終是悠悠行路心

送人使河源

故人行役向邊州匹馬今朝不少留長路關山何日盡滿堂絲竹為君愁

王之渙

涼州詞

黃河遠上白雲間一片孤城萬仞山羌笛何須怨楊

柳春光不度玉門關

劉云得誠齋評看更佳

九日送別

蘄庭蕭瑟故人稀何處登高且送歸今日暫同芳菊酒明朝應作斷蓬飛

綦毋潛

過上人蘭若

山頭禪室掛僧衣窗外無人溪鳥飛黃昏半在山下路却聽鍾磬連羣微

薛據



落第後口號

一作慕  
毋潛詩

十五能文西入秦三十無家作路人時命不將明主  
合布衣空惹洛陽塵

蔡希寂

洛陽客舍逢祖味留宴

綿綿鍾漏洛陽城客舍貧居絕送迎逢君買酒因成  
醉醉後焉知世上情

沈頌

衛中作

衛風愉艷宜春色淇水清冷增暮愁縱使榴花能一

醉終須萱草慙忘憂

張偁

辭房相公

秋風颯颯雨霏霏秋殺恹遑一布衣辭君且作隨陽  
鴈海內無家何處歸

吳象之

少年行

承恩借獨小平津使氣常遊中貴人一擲千金渾是  
膽家無四壁不知貧

張潮



采蓮詞

朝出沙頭日正紅晚來雲起半江中  
賴逢隣女曾相識並著蓮舟不畏風

江南行

茨菰葉爛別西灣蓮子花開猶未還  
妾夢不離江上水人傳郎在鳳凰山

元結

款乃曲大曆初結為道州刺史以軍事詣都使還州逢春水舟行不進乃作此曲令舟子唱之以取適於道路云宋黃山谷云款乃音媪靄相中節歌聲演繁露云柳子厚款乃一聲山水綠世固共傳款乃為歌不知何調也元次山款

乃曲五章全是絕句如竹枝之類其謂款乃者殆舟人於歌聲之外別出一聲以互相其歌也耶柳枝竹枝尚有存者其語度與絕句無異但於句末隨加竹枝或柳枝等語遂即其語以名其歌款乃殆其例耳

千里楓林烟雨深無朝無暮有猿吟  
停橈靜聽曲中意好是雲山韶濩音

湘江三月春水平滿日和風宜夜行  
唱撈欲過平陽戍守吏相呼問姓名

嚴武

軍城早秋

昨夜秋風入漢關朔雲邊月滿西山  
更催飛將追驕



虜莫遣沙場匹馬還

李華

春行寄興

宜陽城下草萋萋  
澗水東流復向西  
芳樹無人花自落  
春山一路鳥空啼

獨孤及

秋韋郎中尋楊駙馬不遇

金屋瓊臺蕭史家  
暮春三月渭川花  
到君仙洞不相見  
謂已吹簫乘早霞

海上憶洛中舊遊

涼風臺上三峰月  
不夜城邊萬里沙  
離別莫言關塞遠  
夢魂長在子陵家

七言絕句卷之三

唐詩品彙四十八







